

آبونه هره سالی بیدار بیدار
ه فروش کوندر لیدر .

مکتوبلرک امضای واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسجه یازلسی رجا اولنور .


باره کوندر لیدیکی زمان نهیه
داثر اولدیغی بیلدیلسی
رجا اولنور

آیمون اهدکم سیل الرشاد

صاحب و مدر
اشرف ادیب

باش محرر
محمد ماکف

والله یهدی من یشاء الی صراط مستقیم



آبونه هره سالی : هر یار ایچون
سنه لکی (۴۰۰) اتی ایلی
(۲۲۵) ممالک اجنبیه ایچون
سنه لکی (۴۵۰) ، آتی آیللی
(۲۵۰) غروشدور .

نسخه سی ۷,۵ غروشدور .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلمه موافق آثار مع المنونیه
قبول اولنور . درج ایدله یین
یازیلر اعاده اولنماز .

الحاد ، نه بویوک جهالتدر !

— بعض عرفانسزلرک نشریات الحادکارانه سی مناسبتیه —

۷

بر تکرردن عبارت اولدیغنی صیق صیق سویله ینلر ، ملکه ابتداءک
عالم وجودده حائر اولدیغنی اهمیته مفتونیتلرینی کیزلایه میورلر .
واورثینالیه مفکوره سیله علمک ، عرفک ، محیط اجتماعینک احکام
نابته سنه قارشى هر کون مجادله ایتک سسوداسنه مغلوب اوله رق ماضی
واستقبالی دوشونمز برسرکذشت جو وضعیتنی طاقینورلر ومودادردیلر
هرشیئی فدا ایدیورلر . طالده مقانیزمک الجای قسریسی ویادینامیزمک
اندفاع ضروریسی آلتنده کور بر ایجابدن باشقه بر عامل کورمک
ایسته مه یینه بوآداملر عین زمانده تابع اولق ایستدکلری ایجابک
بتون قوه مؤیده سنی حریتک فسونکار حمایه سنه صیغینمقده بولیورلر ،
جبر وجبروت عقیده سنی حریت واختیار دستورینک سایه ضماننده
تلفین ایتک ایستیورلر .

ایشته بتون بو تناقضلر ، بزه اطراد طبیعت موضوعه سنک
قارشوسنده حریت واراده دنیان برخارقه قانونکده حکمران اولدیغنده
شبهه براقایان مضر بر تصدیقک بیانات ظاهره سنی عرض ایدرلر . فی الحقیقه
حادثات عالم یالکز بر تکرر وتوافقدن عبارت اولان مجرد بر اطراد
قانونک حاصله انکشافی دکلا در . بلکه بو توافق وتماثلک ، بواطراد
محققک مقابلنده بر تغایر وعدم اطراد قانونی واردرکه بونک هر تقدیر
جزئیسی اطراد قانونه نظراً برخارقه ماییتده عرض وجود ایدر .
بوقانون سایه سنده درکه کائناتده هر موجود دیگرلرندن تماماً متمایز بر

زمانمزده آچیقجه کوزه ایلیشن فکری بحرانلردن بریسنی ده
خارقه لر حقنده کی متناقض تلقیلر تشکیل ایتکده در . نیچلرینی کور یورزکه
وقوعات عالمی ضروری بر اطراد ، یکنسق بر تکرر حالنده ملاحظه
ایتدکلرندن دولایی هر هانکی برخارقه تصویرینه قارشى ادای هرل
ایله دوداق بویکورلر : و « طبیعت مطرددر . » موضوعه سنک بر فرعی
ویا دیگر بر افاده سی کی اولان « تاریخ بر تکرردن عبارتدر . »
مشهوره سنی صیق صیق یاد وتعمیم ایدیورلر . فقط « تاریخ مادام که
بر تکرردن عبارتدر ، دیمک که سن ، بن ، زید ، عمرو حیاته تکرار
کله جکیز » دییه کنیدیلرینه عینی قضیه نک بر نتیجه ضروریه سنی افهام
ایده جک اولورسه کنز او زمانده منطقله استخفافه قالدیشیورلر . آدام
سنده دنیایه بردها کله جک دکلز آ... تکرله مه سنی صاووروب کیدیورلر .
مع مافیة تنانضلری یالکز بونکله قالیور . عینی کیمسه لر ایکی ده بر
کنیدیلرینی علاقه دار ایدن هر هانکی بر حادثیه معجزه نامنی ویرمکدن
ذوق آلیورلر . او قدر ذوق آلیورلرکه استغراقلرندن عادتاً عالمک
خوارق ومعجزات ایله طولو اولدیغنی آکدیرر اعتراف مضمونلری
بتون فقره لرندن فیشقیوریور . بونلرده معجزه یی استخفاف کی بعضی
ناخوش معالر بولنسه بیله ، علی العموم خوارق مبدولیتله تصدیق ایتدیرمک
کی دلائل اعجازک قدرتنه بر ایمان معناسی بولندیغنده ده شبهه قالیور .
ینه بو تناقض جمله سندن درکه « قوانین طبیعت لایتغیردر . » دییه تاریخک

خصوصیت مالکدر. بز اشیا بر بردن آنحق بونکه تفرقه مقتدر
اولورز. مع مافیه بو خصوصیت قارشیننده بزم بوتون علوم نظریه من
توقف ایدر. بز طبیعت کله سیله آنحق توافق و تامل نقطه لرینی یعنی معتاد
اولان اطرا دلری افاده ایدرز و بوندن دولاییدر که «طبیعت مطرددر»
قانون کلیسی «کل جزئیندن بیوکدر» قضیه سی کی بر بدیهی اولی و یا خود
قانتک اصطلاحیه بر قضیه تحلیلیه ماهیتنده در. بنسأ علیه بز بوکا
فیلسوفلرک ادعا ایتدکاری کی بر موضوعه کلیه دیمکله قالیه جغز. بلکه
بر معارفه ضروریه دیه بیه جکیز. فقط بونی سسویلرکن بو اطراد
طبیعت قانوننک ظن ایدلیدی کی علیت قانوننه مرادف اولدیغنی
وعلیت قانوننک طبیعتدن من وجه فضله بر مدلولی محتوی بولدیغنی
علاوه ایدم جکیز. چونکه علتک، ساده جه طبیعت مطرددر عبارت
اولیوب بر اراده، بر اختیار دخی اوله بیلیدیکی بالتجربه بیاییورز.
عقلمز بزه یالکیز اطراد قانونلرندن یورویه بیلیدیکی سسویلرکن،
اراده مزده خارقه قانونلرینه علاقه سسنی تلقین ایدیور، بر تلقینی ایله
علیت قانونی حدودی تجاوز ایتمه دن عقلمز ده ارشاد واقعا ایله بیللیور.
ایشته حکمت خلقت بر طرفدن عقلمزک دیگر طرفدن اراده مزک منتهی
اولدقاری بو ایکی قانون متقابلک یعنی اطراد و تغایرک علت اولایه
مدیون اولان سر وحدتلیله ممزوجاً انکشافلر نده در. کائناته هانکی
نقطه دن باقیه کز، بو آهنگ متقابلی کورر سکز، هبسنک بر طائله
ازدواج اولدیغنی آکلار سکز. نباتات و حیواناتک ارکک و دیشینندن
طوتیکزده، اجرامک جاذبه و دافعه سنه، الکتریقلرک مثبت و منفی سنه
ودها بیلیمدیکمز نجه ارکان وجوده ورنجه یه قدر همیسی بر ازدواج
اضداد خارقه سی، بر اطراد و خارقه خلیطه سی عرض ایدرلر. هر لحظه ده
«سبحان الذی خلق الأزواج كلها مما تنبت الارض ومن انفسهم و مما
لا یعلمون» آیتی اوقورلر. بز ایشته قانون عقل اولان اطراد ایله
قانون اراده اولان بو ابداع و تغایرک آمیزشی ایچنده خارقه نک امکان
علمیسی بتون وضوحیه ملاحظه ایدم بیلیرز. لکن اول امرده خارقه
کله سندن آکلادیغمز مفهومی تثبیت ایتلی یز.

خارقه کله سی اساس لغت اعتباریه، یاران، یرتان، معناسنه
بر صفت ایکن عرفده «امر خارق العاده» ترکیبنک مخففی اوله رق بر معنای
اسمی یه نقل ایدلشدر. و آخرنده کی ها، علامت تأیث دکل، کافیه
اسمنده اولدیغنی کی بر تاء نقل در. بو کله نک مدلول اصطلاحیسی،
کیف ما اتفاق ملاحظه ایدلیدیکی زمان ایکی صورتله تصور ایدیه بیللیور
کیدر:

۱ — علتسز اولان حادثه.

۲ — مطرد و معتاد اولان حادثاته مغایر حادثه.

برنجی معنی بو کله یه بغیر حق اسناد ایدیلان بر معنای موهومدر.

خارقه بومعنی ایله ملاحظه ایدیه جک اولورسه باطل و غیر ممکن بر شی
تصور ایدلش اولور. چونکه هم حادثه تصور ایتک، هم ده اونی علتسز
اوله رق تصور ایتک علمک شرط اساسیمی اولان علیت قانوننه منافیدر.
و بنسأ علیه بر تناقضدر. زیرا مقدا بیان ایتدیکمز وجهله هر حادثه
بر علت ایله مسبوقدر. بونک ایچون اهل عام، علمده تصادف یوقدر،
دیرلر، حقیقتده تصادف تصویرینه شدتله معارض بولورلر. و واقعا ده
تصادف دیدیکمز اتفاقیاتک هنوز کشف ایدم مدیکمز بر علت متفرع بر
علاقه، بر مناسبت افاده ایتدیکمنده تردد ایتزلر. بوندن دولاییدر که
فرانسز فیلسوف جدیدی برغسون «رؤیا» موضوعی اوزرنده کی بر
قونفرانسندم ولویوزده بش آلتی نسبتنده اولسون بعضی رؤیا لرده کوریلن
اصابتلرینی تصادفه عطف ایدیور بره رک اهمیتسز تاقی ایتک ایسته ین کیمسه لره
شدتله هجوم ایتش حتی یوزده بش دکل، ملیونده بز بیه اولسه حقیقتده
اصابت ایدن بر رؤیانک تحری اسبابی علمک وظیفه سی اولدیغنی اخطار
ایتشدر اهل عام آراسنده علتسز بر حادثه بولمدیغندن دولای حقیقتده
تصادف تصویرینه امکان کورولیدیکی کی «علتسز حادثه» معناسنه بر
خارقه تصویرینه ده امکان کوریه من و خارقه یه بومعنی ویرلیدیکی تقدیرده
اهل علم بونی انکار ایتکده تردد ایله من.

فقط کله نک بومعناسی هیچ بر زمان بزم مالز دکلدر. بو تللیس
بزه کندی کلمات صرفیه من آلتنده اجنبی کلماتک مدلوللرینی کوزه تمک
ولسانمزی کندی روحمزک دکل، اجنبی روحمزک بر آلت افاده سی حاله
صوقق مناسبتسز لکنک یادکاری اولان بر غاطدر.

بز اساسنده خارقه دیدیکمز زمان آنحق «امر خارق العاده»
ترکیبنک مدلول تامی اولان ایکنجی معنای قصد ایدرز. بزجه خارقه:
معتاد و مطرد اولان حادثاتک جریان معتادینه مخالف بولان تعبیر آخرله
حادثه بر انقلاب افاده ایدن بر حادثه دیمکدر که بویه بر حادثه نک علتسز
اولمی اصلا وارد خاطر دکلدر. البته خارقه نک دخی بر علقی وارد.
و بو علت علل متوسطه دن بریسی دکلسه همه حال علت اولانک کندیسی
اولق لازم کلیر.

فی الواقع کائناتده بویه خارقه لر، کوزمه ایلشن هر یکی وجودده
وبلکه هر موجودیت مخصوصه ده کندی کوسستروب طور مقدن خالی
قالمازلر. هر نوزادک خواص ممیزه سی بولردن بزه بر نمونه تقدیم ایدر.
و بونمونه لر نامتناهی بر تصنیفه تابع طوتیه بیلیرلر. چونکه، بزم طبیعت،
قانون، حادث نامیه یاد ایتدیکمز بوتون اطرا دلر کلیات مجرده زمزه سندن در.
کلیات ایسه کلیتلیله یالکیز عالم دهنده موجوددرلر. بز بونلری خارجه
بولورسه ق کلیتلیله دکل، مثاللریله یعنی افراد دنیان صور خصوصیه
ضمننده بولورز، که بو صور خصوصیه نک هر بری دیکرندن بوجه
امتیاز ایله متمایزدر. بو تمایزک ادناسی صور کلیه نک یالکیز اختلاط

بوصورتی که بر خارق اولان ایلك نمونه فرودنده تجلی ایدن وجوه اطرا دی ماهیت نوعیه بی تشکیل ایلر. ایسته بوصورتی که صنف موجوداتک مبدأ و منتهای بر خارق ایل محاطدر و بر خارق لری بز علتسز اوله رق دکل، علت اولی اولان خالقه اضافتله ملاحظه ایده بیلیرز. بناء علیه خالق تعالی نك يالکسز مبدأ دکل، منتهاده دخی مؤثر بولندیغی اعترافه مجبور اولورز. اکلارز که علل متوسطه نك سباحه جریانی مبدأ ایل منتهی آراسنده کی وجوه اطراد ایل محاط و محصوردر. بونار حقیقتده علت دکل، بلکه علت حقیقیه نك طرق تأثیردرلر. بو اعتبار ایلدر که لسان قرآنده بونلر سنه الله اطلاق ایدلمشدر.

مثلاً تسکون حیوانینک بر تخم ایله مسبوق اولدیغی تأیید ایدن پاستور نظریه سی - ایچنده بولندیغمز بر اطراد معتادی تصویر ایتک حیثیتله - بز علل متوسطه، حاکم اولان برقانونی، سنه اللهدن برشتی افاده ایدن مهم بر دستور علمیدر. لکن هیچ کیمسه شبهه اتمز که ارضمزلک ایلك تشکلی تعقیب ایدن تسکون حیوانی دورمسنده بو قانون قابل تصور دکلدر. بونک ایچون علم حیوانات علمایی بدایتده جنسیله غیر مسبوق بر تسکون حیوانینک قبولی ضروری اولدیغنه قانع اولمشلردر، بونی بعضیلرینک تولد بذاته تعبیریه افاده ایتدیکنی کورن جاهلار، ایلك تسکون حیوانی علتسز بر حادته تاقی ایتک کی بر تصور محاله بیلر دوشمشلر، برنجی معناه بر خارق فکرینه صابلا نمیشلردر. لکن علم نامنه بویله بر تاقی ضروری اولق شویله طورسون، ممکن بیلر دکلدر. چونکه «هر حادثه بر علت ایله مسبوقدر» قانونی انکار ایدلدیکی آنده عام و فن نامنه سوز سویله مک صلاحیتی منسلب اولور. بوراده علم ایچون ضروری اولان جهت «علتسز بر حادثه» معنانه تولد بذاته خارق سنی انکار ایتک وبالذات علت اولایه استناد ایچون یکانه حادثه مخلوقه معنانه بر خارق بی تصدیق ایله مکدر که آنجق بوصورتی که علت قانوننک اضرا دی محافظه ایدلمش و بر ایمان علمی یه ایرلمش اولور. وفی الواقع ذکر اولنان تولد بذاته ویا بنفسه تعبیری مطلق اوله رق دکل، اضافی بر حیثیتله قوللانمشدر که بوندن مقصد ایلك حیوانک دیگر بر حیوان ایله ویا ایلك تخمک دیگر بر تخم ایله مسبوق اولیوب بالذات علت اولانک خلقنه استناد ایتدیکنی آکلامقدردر. بویله اولمسیدی «تولد بذاته» تعبیری بر تناقض اولوردی. شو حالد عام نامنه برنجی معناه خارق بی انکاره نه قدر مجبور ایسه ک ایکنجی معناه بالذات علت اولانک اراده سنه استناد ایدن خارق بی قبول و تصدیقه ده اوقدر مجبورز. دیمک اولیور که بز او نامتناهی خارق لری علماً ایکی جهت اطراد ملاحظه ایدرک بر تصنیفه تابع طوتمق امکانه ده مالکسز:

۱ - علل متوسطه بی تأسیس ایدن ایلك خارق لری.

۱ - علل متوسطه نك حدود تحول و تکاملی کوسترن صولک خارق لری.

وترکیارنده کی خصوصیتدر. بونک مادونی ده زمان و مکان کی ظروفک خصوصیتی اوله رق کوستریله بیلیر. دیمک اولیور که بو وجهله بر اطراد افاده ایدن برقانون آئنده نامتناهی صور تغایر و تمایز وارد و بونلرک هر بری بر خارقدر. مثلاً بر پورتقال مفهوم کلیسی تصور ایدیکنز. بو مفهوم بزه اجمالاً ماده، حجم، نمونائی، قابوق، دیام، رایحه ولدت مخصوصه کی کلیات متعدده نك ترکیاتسندن خصوصی بر اطراد نمونسی عرض ایدر. بز بوراده کی خصوصیتله پورتقالی، موجودات سائرده دن وحقی لیمون و ماندالینادن فرق ایتکله برابر پورتقال دنیلن میوه نوعنک بوتون افرادینی ده بو خصوصیتده مطرداً جمع و تشریک ونوع واحد اوله رق ملاحظه ایدرز، که بو ملاحظه من بر طبیعت، بر صورت نوعیه، بر کلی، تعبیر آخرله بر اطراد ملاحظه سیدر. شمعی بو اطرادک برده وجود خارجیده کی تجلیاتنه عطف نظر ایدر ایدر اولور سه ق اطراد واحدک آنجق نامتناهی تغایر لر ایچنده موجود اوله بیلدیکنی یعنی بر اطراد معینده نامتناهی خارق لر بولندیغی کورورز. چونکه آغاجده بیتن پورتقالردن هر بری دیگرینک عینی اولمیدیغی و آره لرنده جزئی و کلی بر تفاوت، بوجه امتیاز بولندیغی بیلیرز، هر برینک باشقه باشقه موجودیتلر اولدیغی تصدیقه ترده اتمیز. دیمک اولیور که بز خارجده خارق اولان بوجه مخصوصدن تماماً منفک بر اطراد بیلیمه ورز. بونقطه نظر دن در که شیخ اکبر حضرت لری «تجلیات حقهده تکرر بوقدر» دیور. دیمک که تاریخک بر تکرر دن عبارت اولمسی تلقین ایدن اطراد قانونی بز کائناتک جهت وحدت کلیه سنی افاده ایدن و علوم نظریه منزه اساس اولان بر تجرید حیثیتی اولدیغی حالده تغایر و خارق بالذات حقیقتک صورت مخصوصه سنی تعیین ایلرین و آنجق مشاهده ایله ایریلر بیلن بوجه امتیازی اولیور.

بو مطالعاتدن آکلاشیلیور که کائناده خارقه مبدولاً موجوددر. و بونک اک شایان حیرت اولان جهتی یالکسز تغایر دکل، اطراد ایله تغایرک اختلاطیدر. بو اختلاطده اطراد بز حقیقتک ضمان علم اولان کلیت و عمومیتی تغایره هر آن ترقی و تکامل ایچنده تجلی ایدن سیای مخصوصی، وجود خاصی اراده ایدیور.

عالمده اطرا دی افاده ایدن صور نوعیه دن هانکی سنی ملاحظه ایتسه ک اونک بدایتده خارق محضه اولان بر فرد حالده تجلی ایتدیکنی اعترافه مجبور اولورز. هر نوع بدایتده بر فرد راجعدر. بناء علیه اسم خاص، اسم جنسه مقدمدر. او فردی تعقیب ایدن اطرا دات ایله تکرر لر، تعدد لر حصولدن صوکر، در که لسان فنده واریته، ضروب دنیلن تنوعات حصوله کلیر و بونلرک قدر مشترک لری اولان اوصاف مطرده صفات ذاتیه نامیه او اسم خاصه بر مفهوم کلی بخش ایدر لر و او آندن اعتباراً بی دربی نوع، جنس بال تکامل تشکیل ایدر. اسم خاصلر، اسم جنسلر منقلب اولور. مثلاً بنی آدمه ده آدم دینلیر.

ایشته وجود مکونات بری مبدأه دیگرى منهاده اولمق اوزره بوايکى صنف خارقه ايله محاطدر، بزم علملمزده بوايکى حدآراسنده دوران ایدن اطرادله علاقه دارد. بونک ایچوندرکه بزم علملمزک مبدأ و منتهاسنده بر شهوده احتیاج حس ایدرز. چونکه اطرادلر علوم نظریه وفکریه مزى تطمین کافى کلدیكى حالد، بو خارقه لری، بوتغایرلری آنجق بالمشاهده اخذ ایدیهیلیرز. علوم وفقونده تجربه طریقک اهمیتیه بوندن منبئدر. مجرد اطراد طبیعت قانونی علملمزه کافى اولسه ایدی عقل حدسیمز مشاهده و تجربه خارجیه دن مستغنی اوله رق بتون علوم کائناتی احاطه یه کفایت ایدردی. فقط وجودک طرفینده کی بو خارقه لر بزی متبادیاً مشاهده و تجربه یه مجبور ایلهمکده در. بونلرک برنجیلری عدمی اولان اطراداتده، ایکنجیلری ده وجودی اولان اطراداتده تحول وتغایر افاده ایدن حادثاتدرلر.

علملمزک قوت و قیمتى اطراداتک قیمت وقوتیله متناسب اولدینی شبهه سزدر. وبوندن دولایى عام آداملرینک عمومیتله محافظه کار اولدقلری انکار ایدیهلیر. وینه بوندن دولایى اهل علمک هر هانکی برتجدد و خارقه دعواسی قارشوسنده ابتداء شبهه یه دوشمسی برحقیدر. فقط بونک بویله اولمسی علی الموم خوارق انکار ایدمک ساحه امکانی جامد بر اطرادک یدتحکمنه تسلیم ایتیهی ایجاب ایتدیرمز. اهل عام عین زمانده علت اولانک قدرته وساحه امکانک وسعته اینانیر، ترقی وتکاملی غایه امل بیلیر. حال بوکه هر خطوه ترقی اطراد ایچنده بر معنای خارقه یی تضمن ایدر. اهل علم بتون اطرادتی حذف ایدن وماضی ايله بتون علاقه لرینی کسمک ایستین هوایى بر متجدد اوله مازسه ده ترقیه قارشیده طویمق بیلمه یین بر حرص اشتها طاشیر، او محافظه کار ایکن عینی زمانده ترقی پرورد. (لابورکلی فی صبیحه لم ازددیه علما) حدیثی مقتضاسنجه علمنی تزیید ایدمه دیکی هر صباحی خیر وبرکتدن عاری بولور. وبوشوق ايله حقیقی برر خارقه اولان هر خطوه تکامل اونک ترقیه مصروف اولان اراده سنی تهییج ایدر. وبوصورتله یالکمز حالده دکل ازمنه نلکه هپسنده یوکسلمک ایستر. اونک ایچون حقیقی عالم بلله تمکی سسودیکی قدر بلله مه یی ده سسور، وعلمه ویردیکی اهمیت قدر عمله دخی اهمیت ویرر. چونکه سرخلقت عالم ايله اراده نک، اطراد ايله تغایرک، آهنگ وحدتنددر.

ایکنجی معناجه خارقه یی انکار میلی، علت اوله رق اخذ ایدیلن بر واقع متقدمک قانون اطردی منتقض اولمق قورقوسندن منبئدر. وبر سبب علمی ايله اخذ ایتدیگمز بر علتک، بر قانونک اطرادینی اوهام ايله تخلف وانتقاضیدن وقایه ایتکده بزم بر حقمزدر. لکن بو حق مطلق دکادر. بز اونی اوهامه قارشى مدافعه ایدرکن جدی واقعات قارشوسنده توقیف ایتک حقنه ده مالکمز. بز بیلیرزکه،

حقیقتده علل و قوانین مجرددن هیچ بری کلیت مطلقه ايله جاری دکادر. مثلاً ماکنه نک حرکت قانون مجردی، مقاوت، دلاک وتماس قانونلرینک مزاحمه سنه معروضدر. مثلاً بر جاذبه علتک قارشوسنده بر دافعه علتی اخذ موقع ایدر. وبورادن مصادمه قانونلری استخراج اولور. دیمک که بزم محکوم علملمز اولان علل و قوانینک هر بری قارشوسنده بر ضد مقابل وارد. قوای جزئییه دن هر برینک بر مقابل ايله توقیف وتوقفی ویا تحویل وتحولی ده بر قانون، بر عادت جاریدر. بر آنشک، بر حرارتک یا قسسی قانون ایسه خلقتده اونی توقیف ایدن اسباب وعوامل ده وارد، عینی حرارتک ضیایه، حیاته انقلابیه بر قانوندر. بومثالردن شونی استنباط ایدیهیلیرز که بزم کائنات حادثه ایچنده علت اوله رق اخذ ایتدیگمز شیلرک هیچ بریسی بذاته علت حقیقه مطلقه دکادرلر. اکر اویله اولسه ایدی هیچ برینک تأثیرینی بر مقابلی ايله توقیف ایدمه یی و هیچ بر دردی بزمی تداوی ایلیمزده. او حالده سرخلقت بوعلل متوسطه وقوانین متقابله ده دکل علت اولاده در. تأثیرى اصلا توقیف ایدیهلیمیه جک اولان مؤثر آنجق فاعل مختار اولان حق تعالی در. وبناء علیه علل متوسطه نک ایجاباتی توقیف ایدمک کنیخی هر آن کوسترمکده اولان اراده حقل یاراتدینی خارقه لری تصدیق ایتک دخی علمک بر وظیفه سیدر. علملمز نه قدر یوکسه لیرسه بو وظیفه مزده اوقدر بیویه جکدر. مادام که بو عام، بو اراده وبوخارقه وارد، البته معجزه ونبوت ده وارد. وتاریخک شهادتیه بالمشاهده وارد. و او بر صنع بشر دکل، بر صنع الهیدر.

بشرك رهبر مسعودی

مَنْ أَحْسَنَ فَلِنَفْسِهِ وَمَنْ أَسَاءَ فَعَلَيْهَا

ترجمه یی

«ایلیک ایدمه کنیینه، فثالمه ایدمه ده کنیینه ایدر.»

اوت بوداردنیاده هر قازانچمز وهر زیانمز کنندی افعالمزک ثمره سیدر. اذواق و آلامز کنندی اثرمزدر. سقوط واعتلامزدن کندمز مسئولز. بختیارلغمز ویا بدبختلغمز، رفعت ویا ذلتمز، ترقی ویا تردیمز کنندی حرکاتمزک نتیجه سیدر. بزمنای حیاتمزک معیاری بز، فطرتمزده مکنوزاولان مشوع قابلیتلر بزه تابع وامرمنز، منقادبولنیور. قوای طبیعت بزم خیرمن ایچون چالیشیور. یالکمز بونلری اداره ایتک خصوصنده کوستره جکمز اقتدارو صلاحیتدرکه بونلری بزه مفید ویا ضرر یاپار. آدملریمزی ایستر یوقوش یوقاری، ایستر بایر آشخی جویره لم، بو شیلرک هپسی بزی